

里堂學算記五種

接讀手教如親罄欬前于黃宗易處已領得大製宮室  
圖茲復見惠已分一部致李生尙之并將尊札饋其朋  
看伊亦深佩服以不得握手爲恨所論月五星諸論推  
闡入微以實測之數假立法象以求其合尤爲洞澈根  
原弟衰病不能進于此道當賴英絕領袖之耳舍弟在  
幕想時親高論茲託蔣生于野附致寸函並候起居不  
戢弟大昕頓首

本月十二日謁見竹汀師接到寄惠大作羣經宮室圖  
一部拜領之下感謝無已讀足下與竹汀師書知足下  
于推步之學甚精議論俱極允當不可移易蓋月體之

于次輪旣行倍離之度則其體勢自與七政之在本輪不同而月體旣周行次輪則圍繞一周自不能成大圈與本天等火星歲輪徑旣有大小則其軌迹自不能等于本天反復數四覺前人所說第舉其大分而足下更能推極其精密曷勝承教佩服之至足下又云有其當然亦必有其所以然銳愚以爲其所以然不外乎所當然也何者古法自三統以來見存者約四十家其于日月之盈縮遲疾五星之順留伏逆皆言其當然而不言其所以然

本朝時憲書甲子元用諸輪法癸卯元用橢圓法以及

穆尼閣新西法用不同心天蔣友仁所說地動儀設太陽不動而地球如七曜之流轉此皆言其當然而又設言其所以然然其當然者悉憑實測其所以然者止就一家之說行而極之以明算理而已是故月五星初均次均之加減其故由于有本輪次輪而其實月五星之所以有本輪次輪其故仍由于實測之時當有加減也以是推之則月體一周不能成大圈與本天等其故由于有次輪而所以有次輪之故則由于朔望以外當有加減也火星軌迹不能等于本天其故由于歲輪徑有大小而所以輪徑有大小之故則由于以無消長之輪

徑算火星猶有不合而更宜有加減也若不此之求而  
或于諸曜之性情冷熱別究其交關之故則轉屬支離  
矣狂瞽之見以質高明是否有當統祈裁正李銳再拜


釋輪卷上

江都焦循學


循既述釋弧三篇。所以明步天之用也。然弧線之生緣於諸輪。輪徑相交。乃成三角之象。輪之弗明。法無從附也。擬爲釋輪二篇。上篇言諸輪之異同。下篇言弧角之變化。以明立法之意。由於實測。若高卑遲疾之故。則未敢以臆度焉。嘉慶元年春二月。記時寓寧波。授士館中。

七政諸輪。生於實測。中地心而規之。則有本天。分之以四。各得九十度。自高卑至於中距。皆等焉。

由是自卑測之。至於中距。實行過之。爲積盈。自高測之。至於中距。實行不及。爲積縮。盈縮之差。其正切爲兩心差。以兩心差爲半徑。規之。是爲本輪。本輪者。爲中距之



差設也。



按實體在最高與本輪心地心皆一線無所用其本




輪惟測得盈縮差。故用本輪以消息之。使本輪心順行。實體逆轉。心當中距。實體當盈縮差。故有盈縮差。乃有半徑。有半徑。乃有本輪。有本輪。乃有最高。諸輪起於實測。夫又何疑。


李尚之云。本輪至本天中距。則本輪半徑爲最大。均數之切線。卽兩心差若最大。均數之正弦。必小於本輪半徑。則亦小於兩心差。

又由中距而上測之。當最高之前後。則半徑宜於長。由中距而下測之。當最卑之前後。則半徑宜於促。於是分本輪之徑。以爲均輪。均輪者。爲高卑前後之差設也。

乙為實體甲為均輪心子  
為本輪心本輪心歷一限  
至中距實體自丑亦行一  
限至乙若分乙子三之一  
為均輪半徑如乙甲於是  
均輪心自卯行一限至甲  
實體之行於均輪自午行  
均輪心之倍度至乙然則  
用均輪與不用均輪實體  
皆至乙是中距無所用均  
輪也



本輪心當最高後半限實體亦宜自丑  
 行半限至丁乃實測則實體在丙稍縮  
 於丁是必引半徑長至丙乃合今分屬  
 均輪使均輪心在甲實體行倍度自午  
 至乙乙與丙合一線在乙如在丙矣




本天  
 心  
 自本天  
 心視  
 乙猶  
 視丙  
 若視  
 丁則  
 在  
 最高  
 前則  
 為縮

自本天心視乙猶  
 視丙若視丁則至  
 在最高前則為縮

本輪心當最早後半限則實體  
應在丁。今實測在丙。為促於丁  
子。均輪心自卯行半限至甲。實  
體自午行倍度至乙。乙與丙亦  
合為一線。  
自本天心視丙。猶視乙。若視丁。  
則前於丙為盈。在最早前則為  
縮。

本天心


視線  
本輪心與地球  
均輪心與地球  
均輪心與地球  
均輪心與地球




按舊止用本輪以與實測不合故用均輪以消息之  
第谷設於地心其推步亦等可知諸輪皆以實測而  
設之非天之真有諸輪也不然同一本輪何以或大  
或小同一均輪何以或設於地心或設於本輪也

測月於兩弦實體與均輪心差乃設次輪以齊之測月  
於兩弦朔望之間實體與次輪心差乃設次均輪以齊  
之本輪爲中距設不爲高卑設必與高卑之線合均輪  
爲高卑中距之間設不爲中距設必與中距之線合次  
輪爲兩弦設不爲朔望設必與朔望之線合次均輪爲  
兩弦朔望之間設不爲兩弦設必與兩弦之線合必與


之合此遠近上下之所由殊左旋右旋之所由判也



初均在丙實測在丁  
丙之差即次輪半徑甲  
丁一線相貫故有次均  
輪而不用




初均在丙、次均在乙、實測在己、  
 乙己不一線相貫故必加次均  
 輪以求三均。







初未設均輪。則次輪與本輪兩周相切。既分本輪爲均輪。而均輪之周與次輪之周兩相切矣。





欲置次輪於均輪之周。乃以新本輪半徑。加次輪半徑。規之而爲負輪。以均輪次輪之較。爲負輪舊本輪之較。所以載均輪而就次輪也。



按次輪之周原與本輪之周相切其度未可移易今欲載次輪於均輪惟使均輪就次輪使均輪就次輪不得不增損新舊兩本輪以就均輪蓋均輪在新本輪之周其周與次輪之周相切將伸均輪之周以就次輪之心則必伸出一大輪半徑乃可故以次輪半徑加新本輪半徑爲負輪半徑以載均輪然次輪之心雖載於均輪之周以圖核之仍與舊本輪之周兩周相切也

均輪在負輪與在本輪相去一次輪之半徑次輪在負輪之均輪與在本輪之均輪亦相去一半徑初均消息

本天用本輪之次輪次均求合倍離用負輪之次輪次  
 輪之地易而相承以心故與均輪之徑平行也




按梅勿菴徵君云。天西行。七政之本輪。皆從天而西轉。其行皆向最高。日天東移。月五星之合望。次輪皆從日而東運。其行皆向日。又云。本天挈小輪心東移。而七政在小輪上。常向最高。殆其精氣有以攝之。循嘗細推其理。因兩心差而立最高之名。由最高規爲不同心圈。其跡緣最高而周。設爲本輪。易右行爲左行。在右行爲緣最高而下。在左行則爲常向最高。以爲常向最高。可以爲順。最高右行。亦可不必眞有小輪。而本天挈其心也。月五星依日而測。故因朔望兩弦。設爲次輪。又設爲次均輪。以其自朔望而測。自以


距日爲之率。所以設負輪。增次均輪。行倍離。皆所以就實測之度。以爲之法。不然。同一距日。在五星之次輪。與日天同大。在月則視均輪爲尤小何也。且五星次輪軌迹。可規成。伏見輪之圓周。而月行倍離。其次均輪所載之體。規其軌跡。不可令圓。亦與日無一定相距之向。則諸輪皆巧法。非實跡。於此可見。故初均之均輪。在本輪。次均之均輪。在負輪。法隨乎測。則輪隨乎法也。徵君又云。日有二小輪。月五星有三小輪。皆以齊視行之不齊。有不得不然者。又云。總是借虛率以求真度。然則所云常向最高。精氣攝之者。未可


泥於其說矣。

五星之合望留逆。依於日行。故次輪與日天同大。次輪軌迹所成。謂之伏見輪。故伏見輪與本天同大。金水之本天。小於日天。其次輪大於本天。故不用次輪。而用伏見輪。伏見輪以日爲心。其心不在本天。故不用金水之本天。而用日天。所以就伏見輪之心也。蓋日天卽金水之次輪。伏見輪卽金水之本天。土木火在日外。以本天載次輪。金水在日內。則反其用。以次輪載本天。土木火之伏見輪。大於日天。不用而用次輪。其義一也。












於火星在最卑之遠點。太陽在最卑。測得其最小之半徑。又於火星在最卑之近點。太陽在最高。測得其半徑。較之最小之半徑有差。故知有太陽高卑差也。於火星與太陽同在最卑。測得次輪最小之半徑。又於太陽在最卑。火星在最高。測得次輪半徑。與最小半徑有差。故知有本天高卑差也。太陽火星俱在最高。則兩差相加。爲半徑之度。蓋高卑之差。視乎本天。於是以均輪之心。當本輪之徑。過半徑者爲大矢。不過半徑者爲小矢。矢小則差小。矢大則差大。心在最高。則當本輪全徑之端。而差爲大之極。在最卑。當全徑之末。而差爲小之極。極


大極小之間以矢例之此半徑所以有大小而次輪所以割入日天也







均輪心當于丑則于乙丑甲為大  
矢當卯午則丙卯丁午為小矢



均輪心當于丑  
則于乙丑甲為  
大矢當卯午則  
丙卯丁午為小  
矢

按第谷曰日之攝五星若磁石之引鐵故其距日有定距今考火星在最卑遠點太陽在最卑與火星在最高之近點太陽在最卑其相距之度皆等惟火星在最高太陽亦在最高則既加太陽高卑之差復加本天高卑之差而星之距日遂過乎常此定距之說未可槩也梅勿菴徵君火星本法云火星兼論太陽之高卑要不能改其徑綫之大致今以求法考之以均輪所當之矢爲兩差之比例以相加則其徑綫隨本輪矢之高下爲高下有不能不改其大致者矣江慎修布衣云他星繞日繞其本輪心爾火日同類獨





以太陽實體爲心。故次輪大小。兼論太陽之高卑。乃細度之。恐亦未然。高卑之差。惟有不同心之異。其輪則同大。今推求火星次輪之法。在最卑時。其半徑爲最小。稍離乎最卑之左右。增損一分一秒。則本輪之矢隨之而長。卽半徑之度隨之而增。規此成圖。必大於本圈。非不同心圈與伏見輪之狀可比。或者火星之次輪。本割入太陽天內。高卑之差。緣是以起。然又無從得其貫通。總之設諸輪以合實測。其所以然之故。終非可以臆度。謂火星次輪之大小。由於太陽實體其理恐未可通也。


又按日在本天之最卑止見火星本天之高卑爲本  
天高卑之差若日在最高則高差更加本天之高卑  
不可見故測本天之高卑必當火在最高日在最卑  
也


本輪之遠近視乎本天之心差起於本天也均輪之遠  
近視乎本輪之心消息乎本輪也太陰次輪之遠近視  
本輪不視均輪者舊次輪之心次均之所起也五星次  
輪不以本輪之心爲遠近而視乎本天之心者次均起  
於合伏合伏與次輪本天兩心相貫也伏見輪不用最  
遠最近而用平遠平近者星行伏見度不行距日度平

遠距最遠爲初均加減地也。本輪之心右旋。均輪之心左旋。成其差也。次輪之度左旋。伏見輪之度右旋。合其跡也。星包於日。則次輪右。伏見輪左。日包於星。則次輪左。伏見輪右。判於距日之疾徐也。次均輪之上下。視本天之心。不視次輪者。三均起於次均輪心。必與次均之界相切也。日星之體皆右旋。太陰之體左旋者。間於次均輪。而與之消息也。星行距日度。太陰行距日倍度者。其消息次輪之度。猶日之於均輪也。金星伏見輪心。自最近倍行。水星伏見輪心。自最遠三倍行者。所以就實測之度也。










最遠平遠

本  
體  
心

近  
最  
近  
平

地  
心







釋輪卷下

江都焦循學

以差而有徑。以徑而有輪。輪之周統大小廣狹。而其度皆等。故其角也。等其心。卽等其度。有角有弧。而弧三角之法可立矣。

規線作圓。分其周之度爲三百六十。作線徑交午圓中。以交處爲心。爲距等圈於周內。距等之義詳見釋弧隨其大小爲度之廣狹。而皆同此心。卽皆同此三百六十度。故無論本輪均輪次輪。得地心之角度。卽得本天之行度也。

弧三角之法。由弧以知弦。諸輪之法。由輪以知徑。徑卽弦也。

輪因徑而設。徑隨輪之大小爲長短。本天半徑一千萬。此常爲半徑而不移者。小於一千萬。則弦也。餘弦也。以諸輪之半徑相加。因而長於一千萬。則大切也。大割也。故半徑之名雖同。而所用實異。


用輪爲角。大小必齊。用角爲弦。長短互異。弦之數。生於半徑者也。半徑不同。則角亦異矣。

本天半徑一率。角度正弦二率。諸輪半徑三率。求得四率。爲諸輪正弦。倍之。卽通弦。餘線亦然。


本輪心之行。謂之平行。均輪心之行。謂之引數。日之實體及次輪心之行。謂之倍引數。五星在次輪行太陽平行之度。謂之距度。次均輪心及月之實體倍行距日之度。謂之倍離。實體值平行之前。謂之盈。值平行之後。謂之縮。自所盈所縮至於平行。爲地心角度。推得其度。謂之均數。以均輪推之。謂之初均。以次輪推之。謂之次均。以次均輪推之。謂之三均。均數者。消息乎平行者也。

日止用初均。五星兼用次均。月兼用三均。當其盈以平行加均數。當其縮以平行減均數。初均盈於平行。二三均盈於初均。以加益其加。初均縮於平行。二三


均縮於初均。以減益其減初均盈於平行。二三均縮於初均。則先加而後減。初均縮於平行。二三均盈於初均。則先減而後加。



推算之法。諸輪心一線者無加減。若最高最卑當中距。則有本  
 天半徑。有本輪均輪兩半徑。有本輪心直角。是兩邊一  
 角也。求得本天之角。即均數。




若當高卑中距之間。則本輪均輪之半徑。不可以相加。本輪之心。不可以爲角。本天之半徑。不可以爲邊。則先以均輪心之行度爲角。以均輪半徑減本輪半徑爲邊。參以直角。有一邊兩角。以求未知之兩邊。又以所得之一邊。合本天之半徑。以一邊合均輪行度之通弦。參以直角。有一角兩邊。以求角。以所得之角。因盈縮而加減焉。自均輪最近。抵本輪半徑。必成句股之形。其通弦必與句相貫。爲大句。右行一。左行二。其端必齊。此引數所以用倍也。






按圖乙丑爲均數亦卽甲角故求得甲角卽得乙丑均數也欲求甲角必先求乙丙丁句股形午卯爲均輪心行本輪之餘弧亦卽本輪心之乙角此有數者也以卯丁均輪半徑減卯乙本輪半徑爲丁乙亦有數者也有乙角有乙丁邊加以丙直角可求丙乙邊及丙丁邊有丙乙邊加乙甲本天半徑又有數者也均輪心自最近所行之度丁子其通弦加丙丁邊又有數者也有丙子邊有丙甲邊仍加以丙直角可求甲角卽乙丑也實體在子本輪心在乙子在乙前則用加子在乙後則用減



一 按圖大者本輪小者均輪午甲子爲徑己庚未庚申  
 乙辰乙寅丙戌丙丑丁亥丁皆自最近抵半徑之線


直觀此可見。



按均輪通弦與最卑抵徑之線相貫爲大句其所以  
必貫爲大句之理前圖明之猶恐未能了然故更爲  
是圖上圈本輪下圈均輪甲爲本輪心卽爲均輪之  
最近午爲均輪心十二辰爲最高甲乙丙丁庚壬爲  
實體所行如以丑爲最高則丑未爲本輪徑線辰甲  
爲通弦起於最近甲卽抵於本輪之徑甲也推之寅  
卯以下皆然在本輪爲辰巳己午未申放此在均輪爲辰庚庚丁酉申  
此放爲界角之與半徑故本輪一均輪二必相遇也  
又按子丁爲均輪通弦用與丙丁線相加必用三率  
比例由半徑求得通弦真數如三十度之正弦五百


萬爲六十度之通弦一千萬與本天半徑等以此與丙丁相加必不入矣唯以一千萬與太陽均輪半徑八萬九千六百零四相比例則六十度之通弦仍得八萬九千六百零四也丁丙出於丁乙丁乙爲兩半徑相減則亦出於半徑者也丁丙與丁乙皆出於均輪半徑合爲一邊故無戾耳

若引數不可以用倍則不能用大句乃以本輪均輪兩半徑爲兩邊行度爲角求得對邊及本輪心角以對邊與本天半徑爲兩邊以本輪心角加減均輪心距本輪最近之度以爲角有兩邊一角而初均亦可求也



均輪半徑


本天 半徑



按辛卯爲均輪距本輪最近度。若初均在壬。則乙角爲子。辛於卯。辛減乙角。子卯初均在癸。則乙角爲丁。辛於卯。辛加乙角。丁卯。故求壬卯乙之壬乙邊。必隨求乙角。卯子。或丁卯。以爲加減地也。

更以次輪之行度爲之角。以半徑爲之邊。其一邊自初均而得之。於是有兩邊一角。求得角。而加減之。是爲次

均凡行度過半周則用其度之餘






按乙丑爲甲角。復以甲角丙角丙甲邊或子辰求得子甲角。爲次均之一邊。以次輪半徑子辰爲一邊。行度辰未餘弧卽子角。有子辰邊。有子甲邊。可求甲角丑亥。於平行加乙丑外。又加丑亥。爲次均數也。自未至酉爲半周。歷酉至辰。則過半周。行度爲未酉辰餘弧爲辰未。故用辰未也。

又按酉子丑未爲一線。丑以前爲初均得數。次均自丑起。卽自酉起。次輪視本天爲遠近。於此益明。

月之次均。知兩邊而行度。不可以爲用。以初均所知之二角。併之以爲角。兩角之線相交。其外角卽兩角併之。


數



按初均求得丙甲邊爲一邊。即前圖子甲次均輪適當次輪

最遠。無通弦之度以次輪全徑爲一邊其丙角己戊行度之

所不及戊角丙辛亦非行度所合故行度爲角之法不可以據而必合甲乙二角以爲丙角也



按甲乙己三角引乙至寅引甲至庚交於己引己作  
子己午縱線又引己作己丑橫線則乙子己如乙丑  
己丑己甲如己午甲乙子己之己角卽乙丑己之乙  
角丑己甲之甲角如己午甲之己角己午甲之己角  
卽庚辰己之己角乙子己之己角卽寅卯己之己角  
合寅卯己之己角於午甲己之己角猶夫合庚辰己  
之己角於乙子己之己角也兩己角相併卽甲乙兩  
角相併之度丙戌線與乙己辛線平行則丙角猶夫  
兩己角併矣


又按乙角有二不同乙己甲之乙角爲均輪心所行

與甲角併爲丙角者。此乙角也。乙丙甲之乙角。以丙  
甲邊乙甲邊甲角求之可得。得之亦可求丙乙弧。然  
無所用之。蓋丙甲之得。由於丙壬大句。壬角直角。非  
由丙乙甲之乙角。本輪變爲負輪。均輪次輪之跡已  
移。最易惑人。故此圖去丙乙線。次輪遠近線作壬丙線。初均次輪通弦  
胃抵徑線之大句俾知丙甲之求在壬角。不在乙角也。

又按丑丙甲相貫爲一線。丑乙初均減平行之數。次  
均爲甲角丑亥。若次輪以本天爲遠近則最遠最近  
必當丑亥之間。與丑乙不相屬。故在本天。必自丑起  
算。而在次輪。卽必自丙起算也。蓋初均次輪心本在

於丙與丑甲爲一貫。次輪旣移則最遠最近不能與丑甲貫。以舊次輪之心爲最近。自此起算用丙卽不啻用丑也。

若次均輪之心不與次輪之最遠合則次輪平行之徑不可以爲邊亦先併所知之角得外角又半行度之餘而加減之以爲角卽用通弦以爲邊通弦者兩正弦相合也。截行度爲弧背有弧背必有通弦有通弦必有界角。界角之度倍於角度。新次輪之界角爲舊次輪之角。蓋兩輪相貫在此爲通弦在彼爲半徑故以行度之餘半之以加減外角也。



按前圖。次均輪心在戊。故丙戊邊。卽次輪全徑。而丙

角卽己外角。此圖。次均輪心在庚。爲丙庚甲三角形。

於戊丙甲之丙角。更多一庚丙戊之丙角。故旣併甲

乙兩角爲戊丙甲之丙角。又以次均輪心所行之餘

弧丙庚。心右旋歷丙戊至庚爲弧背。與半周減得庚戊。又折半之

爲庚丙戊之丙角。合戊丙甲之丙角。爲庚丙甲之丙

角。於是有丙角。有初均求得之丙甲邊。有次均輪行


度餘弧丙庚。弧背之通弦。爲兩邊一角以求角。而甲

角得矣。自丙右旋。歷戊至庚。自庚左旋。至丙。其通弦

其丙庚直線。是以過半周用餘弧之通弦。與正弦之



義同也。



按午子丁丑爲新次輪。未戊酉卯爲舊次輪。兩相貫。而間一午卯半徑。午爲舊輪之心。卽爲新輪之近點。

自午歷丑歷丁至壬。則壬子午爲餘弧。卽弧背。午寅

壬卽通弦。於丁壬子午半周內。減去壬子午。餘丁壬

爲午界角。其度四十五。若在新輪。正當寅卯。爲四十

五度之半。二十二度三十分故界角折半而得角也。若以丁午

全徑爲半徑。規爲甲丙乙丁之大周。其午角己丁亦


四十五度之半。視午界角之丁壬亦折半也。壬與己一線

若無平行之線。則初均之角。必爲句股。兩角併亦得外

角。又半行度之所餘而加減之。以爲角。兩角一爲正角。


矩之界以弦。弦外之胸角。與兩角之胸角等。規之界以

弦。弦外之盈角。與正角胸角相併等。




按次輪心在均輪最高癸丙與丁卯一線無平行之  
徑然合甲乙兩角亦得外角午丁但次均輪行次輪  
之度爲自丙至戊則次均三角形乃甲丙戊有丙甲  
初均求得之邊有次均輪行度之通弦戊丙而午丁  
之丙角不可用故以癸戊界角之度<sup>五十四</sup>折半爲己丁  
舊次輪之角度<sup>三十二度</sup>減外角午己丁之度得午己  
卽甲戊丙之丙角有兩邊一角而甲度可求矣前圖  
界角用加此圖用減者次均輪心行過次輪半周度  
溢於次輪心故加外角乃得丙角不及次輪半周度  
賸於次輪心故減外角乃得丙角圖互明之也

按丙角之丁午不可知。因倍甲乙丙句股形爲甲乙丙子縱方形。界以丙午壬甲斜弦。則甲丙子之丙角。卽乙甲丙之甲角。復規此丙角爲卯午未丁之半周。




亦界以丙午壬甲斜弦則午丙丁之丙角卽乙甲酉之甲角蓋辰甲酉之甲角卽乙甲亥之甲角亥甲酉之甲角卽乙丙子甲縱方之甲角亦卽乙丙子甲縱方之乙角規而小之則癸壬辛庚與午未丁等故併乙甲兩角爲丙角午丁也

若不併兩角以爲角則以初均對角之外角加減次輪之界角以爲角以初均之角度本天之半徑更合均輪之半徑於負輪之半徑求之乃得對角有對角斯得對角之外角蓋均輪心左旋近於最高其行度未可爲角而併之若以爲角必減半周也




按圖甲乙丙三角形併甲於乙可得丙外角卽丁己  
甲之丁法與前同若不併甲乙二角竟用丙角之外  
角加減己戊界角之半卽得丁戊甲之丁角然丙角  
須待求而後得數也所以用對角之度以得外角者  
甲乙丙三角在最卑左右均輸行度卽乙角之度故  
以併初均求得之甲角卽得外角甲乙丙三角在最  
高左右均輸行度在九十度之內則爲乙角之外角  
在二百七十一度以上則必減去半周乃爲乙角參  
差不一不如竟求丙角以得其外角也





按丙午丁之丙角爲乙丙甲之丙外角午丙與己丁  
 兩線平行則午丙甲同於己丁甲戊在己後則減己  
 戊戊在己前則加己戊戊在丙前則加己戊而用餘  
 弧戊未爲丁角



按丙未均輪半徑未乙負輪半徑丁子甲初均數有  
初均求得之甲角有乙甲本天半徑有丙未乙均輪  
本輪兩半徑用兩邊一角以求角乃得丙角

諸輪之徑或長或縮由實測而得之諸輪之行或左或

右或一倍或三倍由弧角之求而得之不如是爲徑不合於測不如是行不便於求或以七政之行真有諸輪則鑿矣

本天半徑 七政皆一千萬

本輪半徑 日二十六萬八千八百一十二 月五

十八萬 土八十六萬五千五百八十七 木七十

萬五千三百二十 火一百四十八萬四千 金二

十三萬一千九百六十二 水五十六萬七千五百

二十三

均輪半徑 日八萬九千六百口口四 月二十九

萬 土二十九萬六千四百一十三 木二十四萬  
七千九百八十 火三十七萬一千 金八萬八千  
八百五十二 水十一萬四千六百三十二  
負輪半徑 月七十九萬七千 日五星無  
次輪半徑 日無 月二十一萬七千 土一百口  
口四萬二千六百 木一百九十二萬九千四百八  
十 火最小六百三十口萬二千七百五十 金水  
不用

次均輪半徑 月一十一萬七千五百 日五星無  
伏見輪半徑 金七百二十二萬四千八百五十

水三百八十五萬 日無 月土木火不用

右半徑表

日本輪心自本天最高右旋 均輪心自本輪最遠  
左旋 太陽自均輪最近倍均輪心右旋

月本輪心自本天最高右旋 均輪心自本輪最遠

左旋 次輪心自均輪最近倍均輪心右旋 次均

輪自次輪

負輪周所載

最近倍距日度右旋

太陰自次均

輪最下倍距日度左旋

土木火本輪心自本天最高右旋 均輪心自本輪

最遠左旋 次輪心自均輪最近右旋 星自次輪

最遠行距日度右旋

金本輪心自太陽本天最高右旋 均輪心自本輪  
最遠左旋 伏見輪心自均輪最近倍均輪心右旋  
星自伏見輪平遠右旋行伏見度

水本輪心自太陽本天最高右旋 均輪心自本輪  
最遠左旋 伏見輪心自均輪最遠三倍右旋 星  
自伏見輪平遠右旋行伏見度

右左旋右旋表

# 釋橢序

江都焦君里堂厲節讀書綜經研傳鉤深致遠復精推步稽古法之九章考西術之八綫窮弧矢之微盡方圓之變與凌君仲子李君尙之齊名嘉慶三年秋里堂出所製釋橢一篇示予考西法自多祿畝以至第谷皆以日月五星之本天爲平圓其後西人有刻白爾噶西尼等以爲橢圓兩端徑長兩要徑短雍正八年六月朔日食舊法推得九分二十二秒今法推得八分十秒驗諸實測今法爲合於是

詔用今法橢圓起於不同心天之兩心差引而倍之爲

倍心差用面積求平行實行之差於是有大小徑中率  
與平圓之比例及差角之加減與舊法不同矣其法以  
面積之度與角度相較亦可得平行實行之差然平行  
面積也實行角度也以積求角難以角求積易故先設  
以角求積次設以積求角次設借積求積次設借角求  
角四法最爲簡捷與舊法迥殊其言日躔之理亦卽盈  
縮高卑之說也如橢圓以地心爲心規橢圓之形中畫  
爲午從地心作綫分爲三百六十度每分之積皆爲一  
度每一分積爲六十分太陽每日右旋當每一度積之  
五十九分有奇所謂平行也則太陽在午綫之下是爲



最卑而地心至橢圓界之綫短角度必寬是爲行盈太陽在午綫之上是爲最高而地心至橢圓界之綫長角度必狹是爲行縮盈縮高卑之理雖與地谷同而橢圓之法則密於第谷諸輪之法若以諸輪法測今日日月五星之天有不謬以千里者哉昔秦大司寇蕙田輯五禮通考觀象授時一門戴編修震分纂詳述諸輪之法而不及太陽地半徑差清蒙氣差橢圓之說不亦愼乎是篇仿張淵觀象賦之例自爲圖註反復參稽抉蘊闡奧爲實測推步之學者所不可無之書也學者從事於斯以求日躔月離交食諸輪無晦不明無隱不顯矣里

堂不以藩爲謨劣屬序是篇乃書梢園緣起爲讀是篇  
者之先導云

嘉慶三年季冬月友人甘泉江藩作

十月初九日李銳啟比來連接手書共三通并大作釋  
楠一本悉心展讀見所述圖說俱極簡當明白真不朽  
之盛業也偶有一二獻疑處已別簽出今一并奉上卽  
希照入其簽語有未當還望教正過吳時務示一音阮  
閣學命校測員海鏡大約正月間可校畢得讀秘書惠  
由足下感謝感謝

王引之頓首去歲奉書一函託鄭星兄轉致想已入覽  
茲從沈四丈處得見大著釋楠及所和詩釋楠爲沈丈  
鈔錄未畢尙未攜歸細讀生平不喜略觀大槩於足下  
所作尤不敢草草讀之恐不能盡沈鬱之思澹雅之才

也正月二十日引之頓首

去冬除月二十六日接讀手翰兼賜瑤章及大著釋橢  
一書鈇再三伏讀覺視勿菴先生書尤朗若列眉但鈇  
明圖說之理用法尙祈提命耳沈鈇頓首

山莊別後卽渡江由吳至越畱西湖上與錢塘諸詩人  
游詠數日邈甚抵東山一路俱無恙晤金輔之殷撰以  
尊作釋橢釋弧與參之程易田先生尙未晤也楊大壯  
頓首


釋橢

江都焦循述

康熙甲子律書用諸輪法雍正癸卯律書用橢圓法  
蓋實測隨時而差則立法亦隨時而改循學習此術  
以義蘊深密未易尋究謹擇其精要析而明之庶幾  
便於初學云爾嘉慶元年九月朔錄於吳興舟次

橢圓之法起於兩心差引兩心差而倍之謂之倍心差  
以倍心差爲底以兩半徑爲要得中垂綫爲小半徑亦  
曰小徑或以兩心差爲句半徑爲弦求得股亦小徑倍小徑與全徑交規而圓之是


爲橢圓



兩心是本無此淵  
為寅丑以通於閭

卯未辰巳平圓也子丑為兩心差寅子丑為倍心差  
自子至己至未至卯至辰皆半徑以寅丑為底以兩  
半徑為兩要成寅午丑三角形午之所當為子子午


短於子已故爲小徑子午卽寅午丑三角之中垂綫故求得中垂綫卽子午綫倍子午爲申午又倍子辰爲卯辰徑交於子緣卯申辰午而規之卽橢圓形矣橢圓以地心爲心分其度爲三百六十抵最卑則短抵最高則長每度不均於弧而均於積



細分之筆畫  
難於均稱分  
之爲四其義  
已明

丑爲地心。自丑分三百六十度。近辰之度綫必短。弧必長。近卯之度綫必長。弧必短。其面積則皆同。弧三角法。其弧度皆等。故以諸輪取其不等。此分以積。而弧本不等。故省諸輪之用也。

故橢圓之積。橢圓之度也。橢圓之角。平圓之弧也。





橢圓以積數爲角度求得積數以一度之積除之卽爲橢圓之弧度若以角言之子心不以亥辰爲角仍以大圓甲辰爲角地心丑不以辰乙爲角必以西戌爲角凡言平圓心角皆甲辰如後房辰角辰凡言地心角皆酉戌橢圓可以弧言不可以角言故求得丑辰乙後作丑辰斗面積卽得辰乙弧度更求酉戌乃丑角也

平圓之度其弧皆等切其弧之度爲平行

詳見釋弧釋輪

以大半


徑

卽半徑


小半徑乘而開方之爲中半徑謂之中率以中率

規而圓之爲平圓其度與橢圓等得其面積以三百六十分之得橢圓一度之積是爲實行

子己爲大半徑。子午爲小半徑。午己爲兩徑之較。自  
 午己折而爲戊午。合小徑爲戊子。成中半徑。以中半  
 徑規而圓之。成戊庚丁辛平圓。子辛短於子辰。子戊



長於子午短長相覆故其積與橢圓之積等  
以兩要綫憑橢弧而施之同其底則兩要之度較異而  
和同。



以寅丑爲底寅午丑午爲兩要成三角形若移寅午

爲寅壬寅癸寅己移丑午爲丑壬丑癸丑己則成寅  
壬丑寅癸丑寅己丑三三角形既同此寅丑底同此  
辰午卯橢圓弧則分兩要雖有較丑壬必短於寅壬丑癸必短於寅癸丑己必短於寅  
己合兩要而和之此短則彼長絕長補短其爲二千


萬之數同也

半徑之率一千萬兩半徑故二千萬

自平圓心截平圓以爲度其正弦之端交於平圓必不  
交於橢圓若正弦交於橢圓則必不交於平圓又自平  
圓心作綫與正弦交於橢圓其形必有差若自平圓心  
作綫與正弦交於平圓其形亦必有差是差也謂之橢


圓差角

在平圓爲正弦在橢圓爲矢今樂稱正弦以便於覽



自子作綫截平圓於角則角辰爲子角弧度角亢爲  
 正弦與子角綫遇於平圓交橢弧處則爲亢尾與角  
 不相遇矣若別作氏心正弦遇於心則氏房與子角

亦不相遇。此自然之勢也。




若以角亢正弦。自橢弧截爲亢尾。則自子作子尾綫。遇之。若氏心正弦。伸至平圓爲氏房。則自子作子房。

綫遇之亦自然之勢也。自弦言之子角尾爲子尾亢  
 差角。子房心爲子心氏差角。自弧言之子心箕爲子  
 心辰差角。子房角爲子角辰差角。


自倍差點設徑綫即半徑與平圖度綫平行。有角度即謂之

設角。




寅爲倍差點。丑爲地心。寅斗綫與子房綫平行。其角  
度皆等。故有子角。卽有寅角也。

自地心設綫。與倍差心綫之端。遇於橢圓。在象限無差  
角之較。內於限。則大一差角。外於限。則小一差角。大則  
加之。小則減之。







以斗午女補子丑女  
雖微有差大畧相等




箕辰過象限。則子箕辰較丑斗辰小一斗牛箕。



箕辰不滿象限。則子箕辰較丑斗辰大一子丑牛。故求得丑斗辰積。必加子牛丑積。乃合子箕辰積。子牛丑與斗牛箕。其積與差角同。故與差角爲加減也。



加子牛丑卽橢圓差角何也今以丑午徑綫依象限  
 與子午斜交成子丑午句股形以句<sub>子</sub>自乘爲子午  
 室虛正方以弦自乘<sub>丑午與子已等</sub>爲子已危辰<sub>子</sub>自乘爲子丑  
 壁積數等子丑室與室危虛辰等子壁奎與午已室  
 危等



算差角之法以底

同危

乘高

半徑即其高亦即外垂綫

折半即得底乘

高爲己婁危胃方形折半爲己危午昂長方形視己

午危室止少一室昂危凡正方形分爲三

己婁一婁畢二畢子三

作子胃與畢危兩斜綫則畢危子胃斜方與己危畢


等

亦與子胃辰等

畢危子胃爲正方中三分之一己婁危胃亦

正方中三分之一今子胃危爲畢危子胃之半知即

已婁危胃之半已危午昴也。



子丑奎壁。既與午己危辰虛室曲尺形等。若規小徑。

子作平圓與大圓爲距等改切綫爲弦綫已危辰大圓之切綫午室虛小


已危辰大園之  
切綫午室虛小

徑平圖之切綫與角元大圖之切綫背心氏小徑平圖之切綫亦以股自乘之方爲切丑璧臺而規

亦以股自乘之方爲切。



壁壘丑而規

其內爲圓。鬼參復於其內作弦綫。鬼井參則井參子鬼亦與  
 觜婁角亢氐心曲尺形等。



差角之綫子房。以此分界。則圓內弦綫。爲軫房氐柳  
 張翼曲尺形。亦與圓內子坤乾坎縱方形積等。氐房

長於房軫而軫翼廣於柳氏多少相覆其數亦等故  
 子乾坎三角形與軫房張翼等子坤坎三角形與張  
 房柳氏等




房震爲倍差底與子氏相乘成離震軫房形折半爲

軫房翼心是子房震倍差角子心亢爲差角半於子房震即軫房翼心


縱方形也猶子胃危與己軫房翼張與子坤坎等子坤坎同

則子房震倍差角形。卽子坤坎句股形也。子心房爲子房震之半。子丑牛亦子坤坎之半。故子丑牛之積與差角同也。惟差角與軫房翼心等。股自乘與軫房翼張等。較之差一張心房三角形。而子丑牛視子坤坎之半微大。兩相消息以意會之。可爲比例也。






子巽屯倍差角巽屯底與箕斗弧交於兌則兌斗巽  
 與兌屯箕等故巽子屯與子斗箕等自斗作斗艮綫  
 則斗艮箕與子丑牛等  
 大徑小徑者比例之根也



子已爲大徑子午爲小徑子已與子午如房氏與心  
 氏亦如豫辰與謙辰又如子房辰與子心辰求角度  
 必比例得正弦若自辰角求辰房必以大小徑比例  
 正切而得之



大小徑比例之法至精至妙試化圓為方以顯其蘊

大徑八小徑六大弦四房氏小弦三心氏以四乘六得二

十四以八除之得三大徑一率小徑二率大弦三率小弦四率以八乘三得二

十四以三除之得四小徑一率大徑二率小弦三率大弦四率大積子房辰十

一以房氏乘子辰折半小積子心辰九以心氏乘子辰折半或以心氏乘子氏得九以房氏乘子氏得十二以十

二乘六得七十二以八除之得九大徑一率小徑二率大積三率小積四率以八


乘九得七十二以六除之得十二小徑一率大徑二率小積三率大積四率互

相比例無不皆合推此而子豫辰與子謙辰積數子

房氏與子心氏積數皆可例之其子房辰不可與子


角辰例子箕辰不可與子房辰例均於是了然矣

率數者·角度之準也。




圓周求徑之法·每三一四一五九二·得全徑一·今全  
 徑二·故三一四一五九二爲半周也·以此比例·得中  
 率·平圓面積三一四一一四三九八二八二三三七

以三百六十除之。每度面積八七二五三九九五  
 二二九。即為一度之積數。橢圓積數必自大圓積數  
 以相比例求大圓積數。先以角度化為率數。以一百八十度化為  
六十四萬八千秒為一率半周率乘半徑折半。即得。  
數為二率見在角度化秒為三率



角度乘半徑折半得積數。亦試以方形明之。辰房己猶之辰危己。以己危乘子辰。得子己危辰正方積。猶以己房乘子辰。得子己房辰一限積也。若以己辰乘子辰。則不異己危辰乘子辰。故必折半乃得也。求子辰危句股積。以辰危乘子辰。必折半而得。求子辰房弧三角積。以辰房乘子辰。亦必折半可知矣。推之子胃辰之與子角辰。子履辰之與子比辰。無不皆然。蓋胃辰乘子辰爲子婁胃辰縱方。履辰乘子辰爲子畢履辰縱方。皆必折半。乃句股積也。

兩要之和求角之要也。




寅斗丑斗合二千萬分之不知其數乃以寅斗與丑

斗聯爲一綫作丑斗泰長綫斗泰卽寅斗爲之底以寅丑兩

心差爲小要成寅丑泰三角形此形有丑泰弧有寅

丑弧有丑外角必先知丑角酉戌求得泰角又求得寅泰弧中

求法詳見釋弧



前圖以寅  
斗連丑斗

作寅復丑三角形。此形

與角度  
綫平行

有寅丑弧。有寅復弧。可求復角。及復丑。

復斗卽丑斗

若以復角




並丑角。即斗外角。斗寅丑之斗角。以此斗角並寅角。即丑外角。


丑斗辰之丑角。為橢圓丑角度也。丑角度酉戌詳見前。用泰角並法亦同。並角

得外角之義詳見釋輪

內垂外垂兩要之用也。



用兩要和。所以求丑斗也。不用兩要和。則又有內垂外垂之法。如有丑角酉戌。求丑斗。則以寅丑倍心差數為弧。丑角為角。求得豐丑。句寅豐股外垂綫。乃以豐丑加丑斗寅斗兩半徑。二千為股弦和。寅斗為弦豐丑斗為股寅亥為句。用句與股弦和求股之法。其法以句自乘以股弦和除之得股弦較以較與和相加折半得弦。數餘為股數。得豐丑斗數減豐丑。知丑斗數矣。



有子角度辰房求丑斗作寅斗平行綫寅角卽子角  
有寅角有寅丑兩心差數用正弧三角法求得丑節  
中垂綫亦求得寅未弧於是於二千萬中減寅節餘  
節斗丑斗爲股弦和以丑節爲句用句與股弦和求  
弦法卽求得丑斗

角在地心則垂於內



丑角酉戌

角在心差則垂於外

子角辰房

內垂之角例以平行外垂之角通以對角

立卯辰直綫以二綫平行交之寅角必等於子角




立卯辰直綫以一綫交之丑對角必等於丑角  
外垂以加內垂以減

加於二千萬如豐丑減於二千萬如節丑




矢



有寅角則以寅斗爲半徑求得斗鼎句有丑角則以

丑斗爲半徑求得斗鼎句。有斗鼎句。卽橢圓辰斗之矢。用大小徑求得鼎恆。卽大圓辰恆弧度之正弦。故由寅角丑角求恆辰弧度。由恆辰弧度求寅角丑角。俱以斗鼎爲之樞紐也。

於是有地心之角度。可以求橢圓之面積。是謂以角求積。



有丑角酉戌求丑斗辰面積先檢表

卽八綫表余載於釋弧後

得正

弦願戌以半徑與願戌例丑斗與斗鼎而得斗鼎又  
用大小徑比例得恆鼎爲辰恆正弦以願戌與酉戌  
例恆鼎與辰恆而得辰恆弧綫卽用乘半徑折半得  
子恆辰面積又用大小徑比例求得子斗辰較丑斗  
辰多一子丑斗乃子丑有數

卽心差

丑斗弧有數

用外垂綫求得

丑


外角有數

子斗丑之丑角爲丑角酉戌之外角

求得積與子斗辰相減卽丑


斗辰橢圓面積此丑斗綫在最卑後若在最高後則  
子斗辰較丑斗辰少一子丑斗亦用弧三角法求得  
積與子斗辰相加卽丑斗辰橢圓面積





地心丑去最卑近去最高遠子在最高與地心丑之間最卑後子在丑前則丑斗辰繼於子斗辰之內故小於子斗辰最高後丑在子前則丑斗辰周於子斗辰之外故大於子斗辰

有橢圓之面積可以求地心之角度是謂以積求角



一度無斗辰之  
濶取其便於閱  
視

有丑斗辰橢圓一度面積求丑角度酉戌以丑辰小  
徑自乘爲丑隨妬辰小方又以中率徑丑酉即自乘  
爲丑酉渙遼大方以小方比丑斗辰以大方比丑戌


酉<sub>小方一率大方二率丑</sub>得數以一度定積求之<sub>一度定積即中率商積所</sub>

辰斗三率丑戌酉四率<sub>分者詳見前</sub>得酉戌爲丑角若由一度更求二度則先求丑

斗綫<sub>地心角用外垂法</sub>以丑斗自乘與中率自乘爲比例蓋每


度之綫有長短之不一則所比例之積有多寡之不

一也



丑斗異於丑辰。則丑斗異震。亦異於丑辰。隨姤而所求得之丑角酉戌。自異於丑辰之所求矣。


有心差之角度。可以得橢圓之面積。是謂借積求積。



有子角角辰度。求丑斗辰面積。先以角辰度爲寅角。

二綫平行  
詳見前

用內垂綫求得丑斗以丑斗爲半徑求得斗  
鼎用大小徑比例求得鼎恆以爲正弦檢表得恆辰  
弧度



得恆辰弧度用率數乘子辰半徑折半得子恆辰面

積又用大小徑比例得子斗辰面積

大徑一率小徑二率子辰三率子斗辰四率

存之用大小徑比例切綫得辰房

辰謀一率辰角二率辰象三率辰房四率

用

率數乘子辰半徑折半得子房辰面積用大小徑比

例求得子心辰

辰謀一率辰房子二率辰謀三率子心辰四率

乃以子心辰減所存

之子斗辰餘子斗心積數存之用心差子丑乘斗鼎

折半得子斗艮


本以斗艮乘斗鼎斗艮無數以其數與子丑等故用子丑

減子斗心



所以必先求子

面餘斗心艮一鈍二銳形此形與子丑牛同知此即



知子丑牛面積矣



既得子丑牛面積。卽得丑斗賁積數。用以積求角法。  
 求得斗賁度。加斗辰。得辰賁實行度。此丑斗綫。在一  
 限內。若在限外。則求得斗心艮面積。用以積求角法。  
 求得斗賁度。減斗辰。不用得辰賁實行度。









過象限例用餘弦餘切覽故用鼎恆鼎斗餘弦猶限  
 內用鼎恆鼎斗正弦用萃謙萃豫餘切猶限內戌辰  
 謙辰豫正切

有心差之角度可以求地心之角度是謂借角求角



有子角角辰求丑角酉戌先用大小徑比例自角

得房辰小徑一率大徑二率小切三率大切四率以角辰知小切以大切知房辰然後用房辰爲寅

角度即爲用內垂綫求得斗角以斗角與寅角相加得

丑外角即地心丑角酉戌蓋酉夫與辰升應酉戌與

辰斗應丑斗辰較子心辰在限內少一差角在限外

多一差角丑升斗爲差角即丑戌酉較子心辰在限內少一差

角在限外多一差角也丑夫戌爲差角在限內必加一差角而

丑斗辰乃同於子心辰在限外必減一差角而丑斗

辰乃同於子心辰詳見子心丑牛及斗心艮亦乃爲角辰度所求之

也角酉戌也必先求辰房爲寅角者俟得酉夫後始

求夫戌則必有丑升弧有丑斗弧更有丑升斗之斗角或升角乃可用弧三角法求得夫戌以加酉夫爲酉戌今丑升弧可求餘不可得不如先得辰房之爲便也先得辰房則已於子心辰增損一差角而所求得之丑斗辰不必復事增損其丑升辰之面積卽朱經增損之丑斗辰旣豫爲增損則以原爲丑斗辰者改斗爲升以與之別

以角求積加減辨於高卑借積求積加減判以象限蓋兩綫相遇綫之後者包於外兩綫相交綫之長者處其贏前後之位以高卑而互易短長之度以象限而遞更

以此就彼則加減在此以彼就此則加減在彼加猶減也減猶加也。

最早後丑斗在子斗之後必至最高後丑斗乃移在子斗之前蓋子丑相遇於斗過象限而長短雖移前後不移也子心與丑斗交於女在限內子心綫長則子丑女多一子丑牛在限外丑斗綫長則斗心女多一斗心艮然最高後一象限雖多在斗心艮其用加實同於最早後一象限最早前一象限雖多在子丑牛其用減實同於最高前一象限亦以前後分內外也以角求積是化子斗辰以就丑斗辰以積求積是

化丑斗辰以就子斗辰故在彼爲減則此加在此爲減則彼加也

借角求角之用加減同於借積求積但不加減於求得之後而加減於未得之先無加減之跡實收加減之用其理不殊法爲尤妙明乎此者日月之行坐而致矣四法中莫捷於借角求角故日躔求均數用此法

門人汪昌序

校字

男

廷琥